



## Universitätsbibliothek Paderborn

**Francisci Toleti S. R. E. Cardinalis Svmma Casvvm  
Conscientiæ, Sive De Instrvctione Sacerdotvm Lib. VII**

**Toledo, Francisco de**

**Coloniæ Agrippinæ**

25. Quale peccatum sint auaritia & prodigalitas.

**urn:nbn:de:hbz:466:1-40916**

tatem spectat. In medio autem consistit liberalitas, quæ moderatus amor est diuitiarum: dat enim & retinet, quando, & quomodo oportet. Vnum tamen hic aduentum est, quod Auaritia opponitur, & contraria est duplici virtuti, puta, iustitiae & liberalitati; tunc enim est contra iustitiam, cum versatur circa alienum, putâ, cum non datur, quod debetur, ex amore ipsius pecunia; aut cum accipitur quod alienum est, per furum, rapinam, usuram, vel alia iniusta via. Cum vero versatur circa propria, putâ, circa immoderatum affectum in rebus proprijs, tunc est contra liberalitatem. Similiter etiam prodigalitas opponitur iustitiae & liberalitati. Iustitia, cum prodigus est aliquis ex alieno; ut, cum multa debeat, inutiliter consumit pecunias, & sit impotens ad soluendum. Liberalitas, cum ex proprijs tantum immoderatè consumit. Patet ergo, quid Auaritia, quid Prodigalitas sit, & quibus contrarie sint virtutibus.

*Quale peccatum sint Auaritia, & Prodigalitas.*

C A P V T   XXV.

**A**D cognoscendum quale peccatum sit Auaritia, oportet considerare, & distinguere, quando contra iustitiam, & quando contra liberalitatem est. Cum enim est contra iustitiam, ex genere suo est mortale peccatum, & de facto est mortale, nisi ob leuitatem materiæ, vel ob defectum deliberationis fiat veniale: vnde, qui ex auaritia, & pecunia affectu retinet alienum, nolens restituere, aut accipit alienum via aliqua iniusta, mortaliter peccat. Quando vero est contra liberalitatem, tunc ex se veniale peccatum est; quamuis fiat mortale, cum opponitur præcepto charitatis: v.g. retinere multum pecunias proprias, nolendo dare, & succurrere alteri, & habendo immoderatum appetitum earum, veniale est: si tamen homo ex tali affectu non succurrat indigenti posito in extrema, aut graui necessitate, cum obligatur præcepto charitatis, mortaliter peccat. Similiter, cum est paratus negligere, seu transgredi diuinum præceptum potius, quam separare affectum a pecunia, peccat etiam mortaliter: ut, qui paratus est, si possit, furari, aut usuram dare, aut negare indigenti extremè, aut quid simile. Idem etiam dicendum est de Prodigalitate:

cum

cum enim est contra iustitiam, tunc ex genere suo est mortale peccatum; & verè est mortale peccatum, nisi excusat<sup>ur</sup> una illarum duarum causarum, quas diximus de Avaritia: unde, mortaliter peccat prodigus consumens pecunias alienas; & tutores, & curatores, res pupillorum consumentes, & dispensatores, rem sibi traditam prodigentes, peccant mortaliter. Prodigus autem peccat mortaliter, cum se impotentem facit ad soluenda debita sua, & cum reliquit prouidere familiæ, seu uxori, & liberis: at vero, cum est contra liberalitatem, ex genere suo est veniale; ut, qui ita de proprijs est prodigus, quod nullam iniustitiam committit in alterum: tamen hoc modo fit etiam peccatum mortale, cum transgreditur aliquod præceptum charitatis; vt, qui notabile scandalum ingerit alijs sua prodigalitate, maxime, si est persona ecclesiastica, & qui, dum vivit prodige, indigentem in graui, aut extrema necessitate non succurrit; & qui paratus est mortaliter peccare potius, quam a tali prodigalitate, quam peruersè liberalitatem vocat, defistere.

*De filiabus Avaritio.*

CAPUT XXVI.

**M**ULTæ sunt filiæ Avaritiae, quæ ad finem ipsius ordinantur, seu ab ipsa procedunt, quas S. Thom. 2.2.q.118. art.8, refert ex Greg. Hæ autem sunt num. 7. obduratio, inquietudo, fraus, fallacia, periurium, violentia, proditio. Quarum prima est obduratio, contra misericordiam, quæ consistit in retinendo: ex eo enim, quod avarus vult inordinatè retinere pecuniam, fit obdurati cordis, & animi immisericordis ad subueniendum necessitatibus proximorum.

Ex eo etiam, quod immoderatum habeat affectum, consequitur inquierudo, vt semper solitus sit mente, & varijs curis, & anxietatibus distrahatur. Ex eo etiam, quod vult acquirere immoderatè, sequitur, vt sœpè yratur fallacia in verbis, & fraude in factis, & periurio, falsum confirmando, & violentia, furando, rapiendo aliena, & aliquid prodendo personas, vt Iudas, qui ex Avaritia Christum Dominum prodidit. Inter has filias oportet primò examinēmus obduracionem cordis ad miserendum aliorum. Et quia ad hanc pertinet præ-